

CONVENIO ENTRE A AXENCIA GALEGA DE INNOVACIÓN E O HUB DE CARÁCTER ESTRATÉGICO DiH DATALIFE PARA O FINANCIAMENTO DAS ACTUACIÓNS NECESARIAS PARA A POSTA EN MARCHA DO HUB DE INNOVACIÓN DIXITAL

MEMORIA XUSTIFICATIVA

A directora da Axencia Galega de Innovación (GAIN) da Consellería de Economía, Emprego e Industria, **DECLARA:**

Que GAIN é unha axencia pública autonómica encadrada nas entidades instrumentais do sector público autonómico reguladas no título III da Lei 16/2010, do 17 de decembro, de organización e funcionamento da Administración xeral do sector público autonómico.

Que o Decreto 50/2012, do 12 de xaneiro, polo que se crea a Axencia Galega de Innovación e se aproban os seus estatutos adscribe a dita Axencia á Consellería de Economía, Emprego e Industria e atribúelle, entre outras funcións, as de ordenación, planificación, coordinación, execución e seguimento das competencias en materia de fomento da investigación, así como a promoción, xestión e execución do Plan Galego de Investigación e Innovación, asumindo a súa coordinación, seguimento e avaliación, coa finalidade de fomentar e vertebrar as políticas de innovación nas administracións públicas galegas e o apoio e impulso do crecemento e da competitividade das empresas galegas a través da implementación de estratexias de innovación eficientes.

Que tendo en conta o anterior e no contexto marcado pola Estratexia de especialización intelixente de Galicia 2014-2020 (RIS3 Galicia), a cal define o marco para as políticas de investigación e innovación e supedita as prioridades de investimento a tres retos aos que asocia unha serie de prioridades e liñas de acción específicas; o Plan Galicia Innova 2020, coherentemente e de forma coordinada coas orientacións en materia de dixitalización e especialización intelixente da Comisión Europea, aposta por un modelo de hubs de innovación dixital (digital innovation hub, DIH) que permitan á pequena e mediana empresa innovar a través das novas tecnoloxías, logrando ser así máis competitivas e gañar en tamaño.



Que os DIH permiten alinear máis eficientemente o coñecemento coas necesidades do tecido empresarial e os mercados e facilitan á industria o acceso a diferentes servizos de innovación que posibilitan unha adecuada integración de tecnoloxías emerxentes na súa estratexia de negocio.

Que o enfoque tecnolóxico dos DIH debe cubrir de forma prioritaria tecnoloxías que presenten un potencial importante para a industria.

Que para que o modelo de hubs proposto polo Plan Galicia Innova 2020 estea en pleno funcionamento a partir de 2020, e logo de recadar as manifestación de interese ao respecto, GAIN publicou a Resolución do 04/12/2018 pola que se establecen as bases reguladoras e a convocatoria para a selección de proxectos de DIH que contribúan ao avance da Estratexia de especialización intelixente de Galicia (RIS3) (DOG núm. 240, do 18/12/2018).

Que a valoración do carácter estratéxico dos hubs fíxose tendo en conta a visión estratéxica, a proposta operativa e o seu potencial impacto no tecido empresarial galego, así como o seu aliñamento e contribución ao avance da RIS3 Galicia.

Que a selección dun proxecto de hub ao abeiro da convocatoria supón o recoñecemento por parte da Administración galega do seu carácter estratéxico, requisito imprescindible para o acceso aos instrumentos de apoio público que se porán en marcha en Galicia para o apoio dos hubs de innovación dixital.

Que mediante a Resolución do 05/04/2019 (DOG núm. 84, do 03/05/2019), seleccionouse o proxecto de Hub DiH DATALIFE presentado pola Asociación Bioga-Cluster Tecnolóxico Empresarial das Ciencias da Vida, recoñecéndosele o seu carácter estratéxico.

Que o instrumento convencional que se pretende asinar se fundamenta no seguinte:

Que a citada convocatoria prevé a posibilidade do Hub de acceder aos instrumentos de apoio público como por exemplo a axuda que se instrumentaliza a través deste convenio de colaboración, logo da súa constitución formal.



Que para levar a efecto o anterior GAIN ten previsto formalizar co Hub DiH DATALIFE o instrumento convencional arriba referido por un período de vixencia que abrangue dende a sinatura do convenio ata o 31 de decembro de 2020

Que os convenios de concesión directa de axudas están expresamente previstos, con carácter excepcional, no artigo 19.4 da *Ley 9/2007*, do 13 de xuño, *de subvenciones de Galicia* (LSG) segundo o cal estes convenios serán posibles sempre que “(...) *se acrediten razones de interés público, social, económico o humanitario, u otras debidamente justificadas que dificulten su convocatoria pública*”.

Que en todo caso o convenio cuxa sinatura se pretende ten o seu orixe nun procedemento levado a cabo en réxime de publicidade, obxectividade e concorrencia competitiva.

Que o Hub DiH DATALIFE (NIF G70603063) constituíuse o 31/10/2019 como unha asociación sen ánimo de lucro con personalidade xurídica propia e con plena capacidade de obrar.

Que as asociacións sen fin de lucro réxense polas disposicións da *Ley Orgánica 1/2002*, do 22 de marzo, *reguladora del Derecho de Asociación* (L.O. 1/2002), e son agrupacións de persoas que se organizan para realizar unha actividade colectiva, que gozan de personalidade xurídica, polo que poden adquirir dereitos e contraer obrigacións, e que teñen patrimonio propio e diferenciado do das persoas asociadas.

Que as actividades que se levarán a cabo ao abeiro do convenio non revisten carácter económico.

Que a exclusión do ánimo de lucro implica que os beneficios que se obteñan derivados do exercicio de actividades económicas deberán destinarse, exclusivamente, ao cumprimento dos fins da asociación, non sendo posible o reparto entre os asociados nin entre os seus cónxuxes ou persoas con análoga relación de afectividade, nin entre os seus parentes, nin a súa cesión gratuíta a persoas físicas ou xurídicas con interese lucrativo.

Que segundo o disposto no artigo 8.3 da *Ley 9/2007*, do 13 de xuño, *de subvenciones de Galicia* “(...) *podrán acceder a la condición de beneficiario las agrupaciones de personas físicas o jurídicas, públicas o privadas (...) que, aun careciendo de personalidad jurídica, puedan llevar a*



cabo los proyectos, actividades o comportamientos o se encuentren en la situación que motiva la concesión de la subvención”.

Que no expoñendo VI da L.O. 1/2002 recoñécese expresamente a importancia do fenómeno asociativo como instrumento de integración na sociedade e de participación nos asuntos públicos. As asociacións desempeñan un papel fundamental nos diversos ámbitos da actividade social para o cal a dita L.O. 1/2002 contempla o outorgamento de axudas e subvencións, condicionado ao cumprimento dos requisitos establecidos en cada caso

Que unha das medidas que contempla a L.O. 1/2002 é a previsión de que as asociacións que persigan obxectivos de interese xeral poidan desfrutar de axudas e subvencións atendendo a actividades asociativas concretas, en todo caso, as subvencións así concedidas so poderán destinarse a ese fin e estarán suxeitas á normativa de subvencións públicas.

Que a finalidade do Hub é prestar soporte e axuda ás empresas, especialmente ás pemes, para ser máis competitivas, e mellorar os seus procesos comerciais o de produción, así como os seus produtos e servizos a través da tecnoloxía dixital.

Que o obxectivo principal do Hub é fomentar a creación de valor a través da adopción de novas tecnoloxías. Sendo por tanto os hubs sistemas de innovación abertos e estruturados que ofrecen servizos á industria, e que permiten alinear máis eficientemente o coñecemento coas necesidades do tecido empresarial e os mercados. Estes DIHs proporcionan conexión cos investidores e axudan á conexión entre os usuarios e os provedores de solucións dixitais.

Que as axudas previstas no convenio consideraranse outorgadas a organismos de investigación nos termos da definición considerada polo Marco de axudas estatais de investigación, desenvolvemento e innovación (DOUE C 198/1, do 27/06/2014), segundo o cal e tal e como se indica no seu artigo 1.3 relativo ás definicións a ter en conta aos efectos do citado Marco, considéranse “ *ee) «organismos de investigación y difusión de conocimientos» u «organismos de investigación»: toda entidad (...) independientemente de su personalidad jurídica (...) o su forma de de financiación, cuyo principal objetivo sea (...) desarrollo experimental o difundir ampliamente los resultados de las mismas, mediante la enseñanza, la publicación o la transferencia de tecnología(...)*”.



Que as actividades non económicas serán realizadas practicamente en exclusividade, polo que se preverá a exclusión das axudas ás mesmas na súa totalidade do ámbito de aplicación do artigo 107.1 do Tratado de Funcionamento da Unión Europea, en todo caso, de realizar actividades económicas, estas serán puramente accesorias, é dicir, corresponderán a actividades relacionadas directamente co funcionamento do organismo de investigación, e o seu financiamento, custos e ingresos efectivos deberán ser consignados por separado.

Ao abeiro deste financiamento público de actividades non económicas levaranse a cabo tarefas de ampla difusión mediante sistemas de innovación abertos dos resultados das investigacións levadas a cabo polas empresas ás que prestarán soporte e axuda.

Que á vista do anteriormente exposto quedan acreditadas as razóns de interese público, social e económico, e a converxencia de intereses entre as entidades asinantes en orde á consecución do obxecto referido.

Que o instrumento convencional ten por obxecto regular as condicións da colaboración entre GAIN e o Hub DiH DATALIFE o cal será beneficiario dunha subvención a fondo perdido para o financiamento das actuacións necesarias para a posta en marcha do Hub de innovación dixital encadradas nos conceptos e baixo as condicións que se detallarán plan de traballo, que se incorporará como anexo ao texto do convenio.

Que o gasto total das actuacións a desenvolver polo Hub no marco do convenio ascenderán a 200.000€ para o período 2019-2020, para o que GAIN concederá unha subvención a fondo perdido por un importe máximo de 200.000€, con cargo á aplicación orzamentaria e coa desagregación de anualidades que se indica a continuación:

Aplicación orzamentaria: 781.0		Cod. Prox	2019 00005	TOTAL
	2019		2020	200.000,00€
Importe	56.410,00€		143.590,00€	



Que nos anteriores importes entenderase incluído o IVE, sempre e cando este supoña un custo real soportado polo beneficiario, podendo ser considerado gasto subvencionable. Neste caso deberá presentarse un certificado relativo á situación do beneficiario respecto o IVE.

Que, de conformidade co establecido no artigo 31.4 da *Ley 14/2013*, do 26 de decembro, *de racionalización del sector público autonómico*, relativo á contratación sustentable, “*Los convenios suscritos por la Administración general de la Comunidad Autónoma y las entidades instrumentales del sector público autonómico podrán ser objeto de modificación cuando tengan como finalidad el logro de los objetivos de estabilidad presupuestaria y sostenibilidad financiera. Dichas modificaciones tendrán por objeto la reducción del volumen de las obligaciones o la ampliación de su plazo de ejecución*”.

Que o réxime de pagamentos previsto no convenio contemplará a posibilidade de realizar os seguintes pagamentos anticipados ata un máximo dun 75% do importe da subvención concedida, conforme aos artigos 31.6 da LSG e 63.3 do Decreto 11/2009, do 8 de xaneiro, polo que se aproba o regulamento da LSG (Decreto 11/2009):

- Anualidade 2019: poderá realizarse un pagamento anticipado, como máximo, polo total do importe previsto nesta anualidade. En todo caso deberá solicitarse de forma motivada ao longo da anualidade 2019
- Anualidade 2020: poderá realizarse un pagamento anticipado por un importe máximo que, acumulado ao importe pagado en concepto de anticipo da anualidade 2019, non supere o 75% da subvención total concedida. O dito anticipo solicitarase de forma motivada ao longo da anualidade 2020. En todo caso, o libramento deste anticipo requirirá da previa xustificación do anticipo concedido na anualidade 2019. No caso de que non se xustifique a totalidade do importe concedido como anticipo na anualidade 2019, ou se a dita xustificación non se considerase suficiente, deberá procederse ao correspondente reintegro. Para o caso de que non se solicite anticipo na anualidade 2019 a solicitude de anticipo en 2020 terá como límite máximo o importe da subvención concedida nesta anualidade.



Que ao abeiro do disposto nos artigos 31.6 da LSG e 62 do Decreto 11/2009 o Hub poderá presentar xustificacións en función do ritmo de execución da acción subvencionada que darán lugar a pagamentos á conta que, sumados aos importes anticipados, non poderán superar o 80% da subvención nin o importe de cada anualidade.

Que considerando a especial natureza asociativa do Hub, o convenio autorizará a subcontratación con persoas ou entidades vinculadas co beneficiario, sempre e cando a contratación se realice de acordo coas condicións normais de mercado. O límite máximo para estas subcontratacións será do 50% do importe total da axuda.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, de 8 de novembro, de Contratos do Sector Público, ou doutro instrumento alleo á natureza estritamente convencional.

Que o recurso á figura do convenio contéplase como idóneo para canalizar e instrumentar a concesión das axudas previstas na Resolución do 04/12/2018

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, xustifícase na presente memoria o recurso á sinatura do instrumento convencional que se pretende, con exclusión doutras figuras.

Que o convenio que se propón requirirá das seguintes autorizacións do Consello da Xunta de Galicia:

- Ao abeiro do disposto na Resolución do 08/04/1991, pola que se fai público o acordo do Consello da Xunta de Galicia, do 27/03/1991 (DOG núm. 82, do 30/04/1991), sobre convenios de cooperación con outros entes públicos e de colaboración con particulares e na disposición adicional segunda da *Ley 1/2016, de 18 de enero, de transparencia y buen gobierno* (DOG. núm 30, do 15/02/2016); por conter obrigas superiores aos 150.000€ e por ser plurianual.



- Á vista do disposto no artigo 63.3 do Decreto 11/2009; para que se autorice a modificación da porcentaxe prevista para pagamentos anticipados no inciso dous do dito artigo 63.1 ata un 75% do importe total da axuda
- En cumprimento do disposto no artigo 67.4 do Decreto 11/2009; para eximir da obriga de constituír as garantías exixibles para os supostos de previsión de pagamentos anticipados e a conta. A dita exención contéplase no caso concreto ao considerar a finalidade e interese xeral perseguido coa constitución do Hub, así como o carácter non económico da actividade á que virá obrigado coa sinatura do convenio.

E para que conste, asínase esta memoria, no lugar e data que se indica na marxe.

(asinado dixitalmente)

A directora da Axencia Galega de Innovación

Patricia Argerey Vilar

